

րանց սրտին, ուր մեծացել էին: Կլիման էլ ա-  
 ւելի մեղմ էր, իսկ հողը՝ արգասաբեր»: «Քիչ  
 է պատահում, որ այստեղ (Աբարան) ցանքսը  
 մէկին երկուսից աւելի արդիւնք տայ», գան-  
 դատուել են գիւղացիք: Պակասը լրացրել են  
 պետական հարկահանները, քերթելով գիւղա-  
 ցու կաշին: «Թէեւ մենք դո՛հ ենք, որ ուս  
 կայսեր հարատակներն ենք այժմ», շարունակել  
 են գիւղացիք, «որովհետեւ նա քրիստոնեայ  
 պետ է եւ յարգում է մեր հաւատը ու մեր ե-  
 կեղեցին, պաշտպանում մեր քահանաներին,  
 թէեւ մենք ատում ենք տաճիկներին եւ վա-  
 խում քրդերից, բայց եւ այնպէս կ'ուզէինք  
 նորէն այնտեղ ապրել, մեր հին բնակավայրե-  
 րում, ուր մենք չէինք դուրս քալից, ուր հողը  
 այսչափ անպտուղ չէր, եւ ոչ էլ կլիման այս-  
 տեղի պէս դաժան: Այնտեղ մենք ի վիճակի է-  
 ինք դոհացնելու հայկահաւաքներին, որով  
 վախ չունէինք, թէ շարունակ ծեծ կ'ուտենք,  
 ինչպէս սովոր են անել ուսները: Եւ առհա-  
 սարակ այնտեղ երբեք այնպէս դառն խեղճու-  
 թեան մէջ չենք ապրել, ինչպէս այստեղ»:

Ոչ միայն Բազարըրցիք — դեռ դա ամե-  
 նահարուստ գիւղն է եղել — այլ նաեւ Աբա-  
 դաճի լանջերին թառած միւս գիւղերի բնա-  
 կիչները (24 հայկ. գիւղեր, 1700 ընտանիք)  
 նոյն գանգատներն են արել իրենց վիճակի մա-  
 սին:

\* \* \*

Աբարանից Վազներ եւ Արովեան անցնում  
 են Գիւմրի (Ալեքսանդրապոլ): Քաղաքի բնա-  
 կիչների թիւը Վ. հաշուում է 6000 շունչ, դաղ-  
 թած մեծ մասամբ Տաճկաստանից:

Ալեքսանդրապոլը համարուել է Անդրկով-  
 կասի «ամենալաւ բերդը», յարմարեցուած  
 60,000-անոց բերդապահ զորքի համար:

Ժողովրդի կենցաղի մասին մանրամաս-  
 նութիւններ չենք լսում:

Ալեքսանդրապոլից ճանապարհը շարունա-  
 կում են դէպի Թիֆլիս: Փոստային խճուղին  
 ձգւում էր Գիւմրանի վրայով: Վազներ նա-  
 խընտրում է Զալալ-Օղլիի ճամբան, ձիով:  
 Անցնում են Համամլուով ու Ղըշլղով: Ծամ-  
 բան անպտանիչ չէ եղել թաթար աւաղակա-  
 խմբերի ձեռքից: Անցնում են լեռնանցքը, իջ-  
 նում Լօռի: Զալալ-Օղլիում օթեւանում են  
 Սահակով անունով մի հայի տունը, որն ըստ

երեւոյթին սպասուած ընդունելութիւնը չէ  
 ցոյց տալիս հիւրերին:

Վազներ զարմանքով դիտում է, որ քօղա-  
 ծածկ հայ կլինը քաշուում է՝ իր երեսը ցոյց  
 տալու օտար հիւրին, բայց ոչ նոյնպիսի խըս-  
 տութեամբ՝ նոյն այդ հիւրի ծառային եւ կամ  
 առհասարակ ծառաների: Արովեան բացատը-  
 րում է այդ «տարօրինակ երեւոյթը»: Թէ՛ դա  
 մեծարելի, դիրքի տէր օտարի հանդէպ յար-  
 գանքի ու պատկառանքի նշան է եւ ոչ թէ՛ նա-  
 խանձի կամ խանդի, ընտանիքի մեծի կող-  
 մից:

Արովեան պատմել է Վազներին, թէ մին-  
 չեւ իսկ իր հայրական տան մէջ իրեն այժմ  
 մի տեսակ օտար մարդ են համարում եւ ամօթ-  
 խածութեամբ ու պատկառանքով վերաբեր-  
 ւում, — այն օրից սկսած, երբ նա Գորպատից  
 որպէս ուսեալ մարդ վերադարձել է եւ ուս  
 պաշտօնեայի աստիճան ստացել: Թէ՛ մինչեւ  
 անգամ իր հարազատ մայրը եւ եղբայրը այլ-  
 եւս առաջուան նման սրտաբաց ու ազատ չեն  
 եղել հետը, այլ միշտ էլ քաշուել են նրանից:

«Մինչեւ իսկ Արովեանի մայրը քաշուելիս  
 է եղել որդու առաջ երեւալ՝ բաց երեսով: Իր  
 հայրական տանը Արովեանի վրայ նայելիս են  
 եղել որպէս պատկառելի օտարականի վրայ,  
 որով նրանք թէեւ հպարտանալ կարող էին,  
 բայց որի վրայ այլեւս առաջուան նման նայիլ  
 չեն կարողացել որպէս որդու ու եղբոր վրայ,  
 հակառակ նրա, Արովեանի, անպիտոխ ու ջերմ  
 սիրուն իր ընտանիքի անդամների հանդէպ»:

Ճանապարհը շարունակելով, ճամբորդ-  
 ները Եկատերինֆելդի վրայով մտնում են Վը-  
 բաստան եւ ի վերջոյ հասնում Թիֆլիս: Սրա-  
 նով էլ Վազներ վերջացնում է իր «Ուղեւորու-  
 թիւն դէպի Աբարատ եւ Հայկական բարձրա-  
 ւանդակ» աշխատութիւնը:

\* \* \*

Նոյն հեղինակը մի ուրիշ աշխատութիւն  
 էլ ունի Վրաստանին նուիրուած (Reise nach  
 Kolchis, Լայպցիգ 1850 թ.):

Թիֆլիսին վերաբերեալ հատուածներից  
 տեղեկանում ենք, որ հեղինակը, հիմնուելով  
 պաշտօնական «վիճակագրական տուեալի վը-  
 բայ», քաղաքի տների թիւը հաշուում է 3662:  
 37-ը եղել են կառավարական շէնքեր, 572-ը  
 պատկանել են հողերտրականութեան, մնա-